

男子雙名記
歷代諱名考
周秦名字解故附錄

婦女雙名記
左傳人名辨異



周秦名字解故附錄

王雲五
齡學

中華書局

叢書集成初編

男子雙名記（及其他四種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN 7-101-00894-1/K·367

周秦名字解故附錄

此據畿輔叢書本
排印初編各叢書
僅有此本

周秦名字解故增錄

昌平王萱齡學

辛巳秋。讀伯申先生周秦名字解故一書。究聲音之統貫。察訓詁之會通。有裨經學。良非淺鮮。後增三十一事。以爲古訓不可周知。姑闕所疑。以俟達者。輒爲疏通證明。其間穿鑿傳會。在所不免。雖違蓋闕之義。聊爲獻疑之請。仍復就正。先生用備采取焉爾。

晉士蔦字子輿。

案釋草其萌蘗蔦。蔦蔦華榮。注蔦亦華之貌。錢詹事大昕以釋詁權輿始也。卽其萌蘗蔦。萌爲竹之始。生輿卽蔦之假借。蔦卽蔦字。張衡思元賦。天地網繆。百卉含蔦。俱有始義。故蔦字子輿。又說文蔦草也。大戴禮誥志百草權輿。

齊雍人易牙字巫。

古牙牙字多互譌。牙卽互字。易有互體。李氏易解俱作牙體。輟耕錄互郎主互市。今謂之牙郎。考工記輪人爲輪牙也者。以爲固抱也。亦取交互義。今按易牙應作易牙。以易有牙體。筮人掌三易。五曰巫易。世本巫咸作筮。故易牙字巫。又牙巫亦雙聲字。

宋公子目夷字子魚。

魚古通吾。列子黃帝篇。姬魚語女。注。姬讀如居。魚讀如吾。晉語。暇豫之吾吾。注。吾讀如魚。河渠書。功無已時。今吾山平。徐廣曰。東郡東阿有魚山。晉侯名夷吾。管仲名夷吾。夷吾切音魚。必古有此語。漢書匈奴傳。北橋余吾。後漢書西域傳。伊吾膏腴之地。余吾。伊吾。皆夷吾也。

晉寺人披。字伯楚。一名勃鞞。

說文。旁持曰披。禮記檀弓注。披。軀行夾引棺者。疏。設之于旁。所以備傾軀也。夏官司馬。作六軍之士。執披。疏。披者。車雨旁使人持之。則旁持俱有披義。說文引孟氏易。恆上六。櫓。櫓。柱石也。古用木。卽礎潤而雨之礎。楚亦有旁分義。故河自濟出爲礎。若乃勃鞞之爲披。猶詩夢之爲乘。終葵之爲椎。古切音卽西城二合也。

秦西術。字乞。宋西鉏吾。亦以四美氏。

說文。氣。雲也。借爲乞。假于人之氣。又省作乞。然則乞卽氣也。術古通遂。廣韻。遂。進也。達也。詩。莫遂莫達。雲氣蒸進。所謂觸石而出。扶寸而合。不崇朝而遍雨天下也。記曰。蛾子時術。亦謂進進不已也。

楚薺艾獵。字叔敷。

詩車攻傳。田者大艾草以爲防。或謂田爲艾獵歟。詩車攻又曰。搏獸于敷。敷。鄧地。或隣子整歟。說文。敷。出游也。或取諸游獵歟。又按艾獵。古切音傲。釋言。獵。虐也。疊韻。而書剛而無虐。簡而無傲相韻。古人命名。多取惡字以爲戒。譏鼎鼐名。皆此類也。然則敷也。其卽傲歟。其卽艾獵之切音而非字歟。楚人多以

救命名。其在君也。有若敖曰熊倅。有霄敖曰熊坎。堵敖曰熊羆。郟敖曰麇。疑俱非名字相配。王逸注楚辭。謂楚人謂未成君而死爲敖。更不再見。杜注左傳。莫敖官名。按莫敖切音髦。釋言。髦官也。楚屈瑕。屈重。屈建。屈到。屈生。皆爲之。亦與名不配。

鄭公子魚臣字僕叔。

魚氏也。詩并其臣僕。謙爲賤者之稱。禮運。仕于公曰臣。仕于家曰僕。

楚公子貞字子囊。

易九家注。坤爲囊。利牝馬之貞。安貞吉。利永貞。故貞字子囊。

楚文之無畏字子舟。

畏古通隈。考工記。夫角之中恆。當弓之畏。畏也者必撓。注。畏。謂弓淵。畏。讀如秦師入隈之隈。大射儀。大射正執弓以袂順左右隈。注。隈。弓淵。按釋訓。隈隈。隕通作隅。無隈。獨無隅也。楚辭天問。隅隈多有。誰知其數。老子。大方無隅。考工記。轉人爲轉。欲其孫而弧深。又云。轉欲弧而無折。無弧深。無折。卽無畏也。轉。

古祇作舟。

宋樂辯字子蕩。

郊特牲曰。滌蕩其聲。注。滌蕩。猶搖動也。蕩者。盪之假借字。辯有搖動義。左傳。錫鑾和鈴。爲設衡。和設軾。今俗謂之鈴盪。亦取其搖動也。楚蓮罷亦字子蕩。罷。辯雙聲。

楚屈到字子夕

說文到至也。至鳥下來也。夕莫也。蜀从鳥在窗。夕陽在西。故到字夕。易乾九三夕惕。虞氏曰。居離日之終。終日爲夕。俗云。一天到晚。一日到夜。

楚觀從字子玉

玉藻。習容觀玉聲。岳本作習容句。觀玉聲句。注玉珮。集韻璫瑤。佩玉聲也。說文從隨行也。蓋齡按行必珮玉。璫瑤疑祇作從容。故觀從字子玉。

鄭印癸字子柳

說文柳從木卯聲。卯古文西。段氏玉裁注。引海內篇。柳字廣伯。說曰。古多假柳爲西。如鄭印癸字子柳。柳卽西。名癸字西也。仲尼弟子列傳。顏幸字子柳。柳亦卽西。幸者辛之譌也。

晉楊食我字伯石

段氏說文注曰。食。公米也。从皀。公。集也。集衆米而成食也。石字或借爲碩大字。或借爲秭字。月令。鈞衡石。律歷志。四鈞爲石。秬百二十斤也。稻一秬爲粟二十斗。禾黍一秬爲粟十六斗。大半斗。故食我字伯石。食我字見詩。解氏自珍曰。楊食疑羊舌之假借字。卽羊舌氏也。豈論案。如說則我亦爲石字之者。文說文。石嚴也。集韻音我。郭璞江賦。陽侯破礪以岸起。

衛公孫彌牟字子之

續漢書禮儀志。仲夏以朱索連葦菜。彌牟朴蟲。正字通。引郝氏敬云。彌牟禦止塗抹之義。子之疑子止。

之譌篆文出相似齊慶舍字子止亦譌子之見解故上卷

齊顏涿聚字庚

周禮故書衣接櫝之材鄭司農讀爲翌柳後鄭云柳之言聚也引書分命和仲度西曰柳穀漢書律歷志斂更干庚斂聚也說文庚位西方故涿聚字庚涿聚濁鄭警由俱聚之雙聲字也

魯卅雍字仲弓

雍和也考工記弓人爲弓均者參謂之九和又弓與宮古俱讀窮說文弓窮也宮从宀躬省聲論語直躬又作直弓詩雍雍在宮

魯濬臺滅明字子羽

滅明雙聲字故饒蔑字然明離爲明爲暈故公子暈字羽明亦字羽

魯顏幸字子柳

見鄭印癸字子柳下

公祖句茲字子之

月令句者畢出說文茲艸木多益也之出也象艸過少枝莖益大有所之一者地也故句茲字子之秦祖字子南

白虎通南方任方也萱齡按任妊通南方妊養萬物亦肇祖元胎競

魯縣成字子祺。

釋言曰：祺，祥也。詩：維周之祺。說文：祥，福也。詩：福履成之。蒼齡按：祺，期，幾，祺，古俱通用。書云：平秩西成。古者謂禾熟爲一期。論語：舊穀既沒，新穀既升，期可已矣。詩曰：如幾如式。傳：幾，期也。說文：祺，復其時也。唐書曰：棋三百有六句成歲，故成字子祺，應作此祺字。後人以其不經見而作祺。

魯公西箴字子上。

說文：黷，雖暫而黑也。皙者，人色白也。古人名黷字皙。段氏玉裁注：黷，專謂人面。蒼齡按：人之一身，莫上于面。黷皙俱見于面，故俱字子上。蓋以其面名之。左傳：哀公十三年，肉食者無墨。注：墨，氣色下明。黷異于墨也。

魯孔忠字子蔑。

說文：忠，敬也。廣韻：韻會引說文：蔑，勞也。从苜从戌。人勞則蔑然也。段氏玉裁云：戌，人最勞者，苜目無精也。通作昧。蒼齡按：梓材，亦厥君先敬勞。肆徂厥敬勞。敬勞二字連文，故忠字子蔑。

魯孔白字子上。

見公西黷字子上下。

魯孔箕字子京。

古箕、荄，同字。故箕子孟喜易作荄滋。史記曰：箕，萬物方荄滋。孫子算經：十京爲荄。荄，京俱大也。

魯孔榼，字子直。

榼，不見字書，疑概之俗字。月令：正權概，直亦正也。又疑與闔同。用木曰闔，直者，植之省。衆經音義引三倉云：戶旁柱曰植。

魯孔傲，字子家。

說文：傲，倨也。家居也。傲，家音相近。

燕周豎，字子家。

豎，漢書儒林傳作醜。

醜豎，雙聲字。醜類也。爾雅：牖戶之間謂之扂，其內謂之家，方以類聚。君子以類族辨物，故醜字子家。坤西南得朋，乃以類行，女子在家，與離兌爲類。

淳于光羽，字子葵。

羽，漢書儒林傳作葵。

羽葵音相近。律歷志：羽，字也。物聚藏，字覆之。說文：羽，鳥長毛也。亦有嫗覆義。葵，覆也。从入，葵。古文葵从几，段氏玉裁云：加其上曰葵，人葵車，是其一端也。入者覆之意也。凭几者亦覆其上。光羽乃廣覆之意。

趙李縑，字牧。

縑，不見字書。乃橄之譌字。禮運：鳳皇騏驎皆在郊橄。天官蠡牧，養蕃鳥獸。橄，藪同字。故橄字牧。

勅授文林郎晉奉直大夫知山西定襄縣浙江景甯縣事樹藩王君墓志

賜進士出身誥授通奉大夫安徽布政使司布政使前吏科掌印給事中戶科給事中掌陝西道監察御史翰林院編修充國史館纂修庚午四川鄉試主考官甲戌會試同考官丙子順天鄉試丁丑會試內監試官巡視中城東城巡視江南漕務楚南陶澍撰文

賜進士及第翰林院編修充國史館協修丁丑會試同考官定安張岳崧書丹

賜進士及第翰林院修撰文淵閣校理文穎館纂修癸酉順天鄉試同考官教習庶吉士欽洪瑩篆額。君諱之屏字憲侯號樹藩順天昌平人始祖朝相本江西贛人明景泰時禮部員外郎高祖應科昌平獻陵衛指揮因家焉曾祖正厯祖成棟父紱世業農有隱德君嗜學姿履端篤中乾隆丁酉科舉人丁未以大挑分發山西縣令歷權鄉甯平陸五寨永和崞縣忻州州縣事所至有政聲時甘肅用兵公轉饒稽察險易以軍功晉三級癸丑授定襄令潔己奉公有羔羊之美無申堂之欲先是故前令虧公帑巨萬大吏籌彌補苦無策君授代凡十有二年廉俸悉歸官以故襄庫藏無銖銖闕而君食貧服窶如下士嘉慶丁巳君于役蒲州值夏旱民病之或曰官來卽雨走相語昉君甚君旋果雨襄人歌曰官之蒲倚我閭如望歲兮歲復何如官來雨吾我黍黍與與兮孝養父母辛酉六月霖雨渚池泛溢秦戲山巡邏而南七州縣咸患水伯玉亭中丞檄所屬振粟撫卹之君不辭勞勩諸被災田廬舍戶口數日皆躬自履勘不書吏假全活甚夥以報核祇它屬稍遲中丞恚幾拜白簡比至覈文冊不濫不漏井然具條理中丞廉其故諸數

目皆目親手記。必以實無飾。冒則大喜。數稱良吏。詢君嗣萱齡。招讀書門下。君奉母張太宜人至孝。邑人士化之。尤加意學校。延名宿主講書院。邑之秀者。飲食教誨。多所成就。如嘉慶己巳進士四川縣令牛書田。己巳庶吉士改雲南羅次令。今遷平縣令郭安齡。丁丑進士戶部主事李鎔經。庚辰進士禮部主事侯親賢等。皆出君門。甲子。君以母憂去官。邑人士如嬰兒之失母。比服除。授浙江景甯令。庚午。卒於官。癸酉。君嗣萱齡扶輿歸葬於昌平城東祖塋。君生於乾隆戊辰年十月初七日丑時。卒於嘉慶庚午年九月二十三日寅時。壽六十有三。配武孺人。繼配武孺人。例晉宜人。俱合葬。子一。萱齡道光辛巳恩科副榜。現充實錄館謄錄。銘曰。遠適學。字適毗。孝迺慈孝。慈爲循良。蜚鼠黑蜺。毋駭與惶。翹與秀或。柄且案。弗覓厥長。有穀兮貽戚。松楸韋兮佳戚。昌平目昌。